

বাণিজ্য-সম্পর্কেও সে সময়ে তারা সমৃদ্ধ হয়ে উঠেছে, তাতে সন্দেহ নেই। তা হলে শুধু কৃষক নয়, এই শেষের দিকে (খ্রী: ৪০০—খ্রী: ১,০০০-এর মধ্যে?) বাঙলায় বণিক শ্রেণীও উদ্ভূত হচ্ছিল, ছোট ছোট নগর-বন্দরও ছিল। অর্থাৎ কৃষি ও পণ্য উৎপাদন খানিকটা বৃদ্ধি পেয়েছে; এমন নয় যে, কৃষি নেই, বণিকই বাংলা দেশে প্রথম পত্তন স্থাপন করেছে। সহজেই বোঝা যায়, এরূপ স্বয়ংসম্পূর্ণ পল্লীসমাজে বণিক-শক্তির বিকাশের সুযোগ আসলে বেশি ছিল না। তদুপরি, জাতিভেদের বাধায় সমুদ্রযাত্রাও ক্রমে নিষিদ্ধ হয়ে পড়ে। ক্রমে ৮ম থেকে ১২শ শতকে বহিঃসমুদ্রে মুসলমান আরবরা রাজ্যে ও বাণিজ্যে অধিকার স্থাপন করে, ভারতীয় বণিকদের বাণিজ্যযাত্রা বিপজ্জনক হয়ে পড়ে। এবং সর্বশেষে হয়তো রাজশক্তি বণিকশক্তিকে খর্ব করে;—হিন্দু সেন-রাজার বেনেদের (বৌদ্ধ বলে?) সমাজে অপাঙ্ক্তেয় করে দেয়—‘বল্লালচরিত’-এর এ-কথা সেই সত্যেরই প্রমাণ। সম্ভবত এসব কারণে এই বাঙালী বণিকশ্রেণী উৎপাদকশক্তিরূপে আর বেশি বিকাশ লাভ করেনি। পালদের (?) পরে তারা বহির্বাণিজ্য খুইয়ে অন্তর্বাণিজ্যেই নিবদ্ধ হয়ে থাকে। তাই বেনেদের প্রভাব-বৈভবের কথা তারপরে বেঁচে থাকে বাঙালীর ব্রতকথায় উপাখ্যানে, আর সেই সূত্রে বাঙালীর সাহিত্যে।

সাংস্কৃতিক পরিচয়

মোটের উপর বিচ্ছিন্ন গণ্ডিবদ্ধ পল্লীসমাজের পরিবেশেই বাঙলা সাহিত্যের জন্ম; এই সাহিত্যের বায়ুমণ্ডল সীমাবদ্ধ। এই সীমাবদ্ধ জীবনের মধ্যে প্রাচীন বাঙলা সাহিত্যের বড় অবলম্বন ছিল তার সাংস্কৃতিক উত্তরাধিকার—বিশেষ করে হিন্দু-আর্য সাংস্কৃতিক উত্তরাধিকার। দু’রকমের রচনায় আমরা তার পরিচয় পাই—যথা—এক, বাঙালী-রচিত সংস্কৃত সাহিত্য; আর-এক, বাঙালী-রচিত অবহট্ট ঋগ্-কবিতা। এই দুই সাহিত্যের ভাব, রীতি, অলঙ্কার প্রভৃতি থেকে বুঝতে পারি প্রাচীন বাঙালীর মানস-লোক কিরূপ ছিল এবং তাদের সাহিত্যাদর্শ ছিল কি ধরনের। বুঝি যে বাঙালী কবি যখন এর পর সত্যসত্যই বাঙলায় সাহিত্য রচনায় যত্নপর হবেন, তখন স্বভাবতই এই ঐতিহ্য, এই মনোজগৎ ও এই সাহিত্যাদর্শের ছাপ এসে যাবে বাঙলা লেখায়ও। বাঙলা সাহিত্যের পক্ষে তাই বাঙালী লেখকের এই সংস্কৃতে রচিত ও অবহট্টে রচিত সাহিত্যের মূল রূপটিও লক্ষণীয়।

লোক-কাহিনী হিসাবে তা ছিল বাঙালী জনগণের মুখেই নিবন্ধ। উচ্চকোটির শিক্ষিতরা তা লিপিবদ্ধ করেন নি।

সামাজিক বনিয়াদ

এই সব ছিল প্রাচীন বাঙলা সাহিত্যের ভাববস্তু বা বিষয়বস্তু। বাঙলার যে সামাজিক অবস্থায় প্রাচীন ও মধ্য যুগের বাঙলা সাহিত্য উদ্ভূত হয়, দুর্ভাগ্যক্রমে সে-অবস্থার প্রামাণিক তথ্য বিশেষ পাওয়া যায় না। এই সামাজিক অবস্থা সম্বন্ধে সাধারণ ভাবে কয়েকটি কথা মনে রাখা প্রয়োজন। প্রথমত, যা প্রাচীন ভারতীয় সমাজের প্রধান সত্য তা বাঙলার ক্ষেত্রেও ছিল সত্য—এ সমাজ ছিল মোটের উপর ক্ষুদ্র ক্ষুদ্র আত্মনির্ভর পল্লীসমাজে (Village Communities) বিভক্ত। গ্রামের উৎপাদনেই মোটের উপর গ্রামবাসীর জীবন-যাত্রা নির্বাহ হত; বাইরের সামান্য জিনিসই আনানেওয়া চলত। পল্লীর উৎপাদন পল্লীর নিজ প্রয়োজন মতো হলেই হল, উৎপাদন-বৃদ্ধির তাগিদ ছিল সামান্যই। দ্বিতীয়ত, ভারতের অন্তত যেমন বাঙলা দেশেও তেমনি এই পল্লীসমাজ ছিল কৃষি-প্রধান সমাজ; আর কৃষির যন্ত্র-পাতি ও কৃষি-পদ্ধতি ছিল গতানুগতিক; এখনো প্রায় তা-ই আছে। তাই পল্লীর প্রয়োজনাতিরিক্ত উৎপাদন নিয়ে বড় রকমের সমস্যা বেশি হত না। অবশ্য ভারতবর্ষের অন্তত্রে মতো বাঙলায়ও এই উৎপাদনের প্রধান অংশ যেত গ্রামের উচ্চবর্ণের সেবায় (যেমন, রাজপুরুষ, রাজসেবক, ব্রাহ্মণ, বৌদ্ধ ও জৈন গুরু, করণ প্রভৃতি), সামন্ত গোষ্ঠীর নানা স্তরের ভূস্বামীর হাতে। সাধারণ ক্ষুদ্র ভূস্বামী ও কৃষক অবশ্যই দেশে সংখ্যায় বেশি ছিল। কিন্তু শূদ্র পর্যায়ের ভূমিহীন সেবক-জাতীয় কৃষিজীবী ও কারুজীবীরা (হালিক, জালিক, ডোম, বাগ্দী, শবর-প্রভৃতি; তারা কেউ কেউ ভূমিজ অন্ত্যজ,—প্রাচীনতম উপজাতির বংশধর) ছিল অনাচরণীয়, গ্রামান্তবাসী (এখনকার মতোই), এবং নিতান্ত হীনাবস্থ;—অবশ্য তারাই ছিল উৎপাদনের প্রধান বাহন। বলাই বাহুল্য, মাঝে-মাঝে এই বৈষম্য নানা ধরনের বিরোধেও রূপ লাভ করত। কিন্তু আরও একটা কথা আছে—প্রাচীন বাঙালী সমাজের তা একটা উল্লেখযোগ্য লক্ষণ। বাঙলার মঙ্গল-কাব্য ও ব্রতকথাগুলিতে দেখি, বেনেরা (মধ্যযুগের বাঙলায় তাদের নাম হল 'সওদাগর') ছিল সমাজে যথেষ্ট প্রতিপত্তিশালী। ইতিহাসের সাক্ষ্য বলে, তাম্রলিপ্ত ছিল প্রাচীন ভারতে প্রধানতম এক বন্দর—এখান থেকে দক্ষিণ-পূর্ব এশিয়ায় উপনিবেশিকেরা (হয়তো গুপ্ত যুগ থেকে পাল যুগ পর্যন্ত) গিয়েছে; আর যবদ্বীপ, সিংহল, স্বর্ণদ্বীপের সঙ্গে

এই সংস্কৃতিকে বলা চলে 'প্রাচীন হিন্দু-সংস্কৃতি'—যদিও তারও অনেক স্তর আছে, দেশভেদে, সম্প্রদায়ভেদে তার অনেক প্রকার-ভেদও ছিল। তথাপি তার তিনটি প্রধান লক্ষণ সমস্ত ভারতে এই সেদিন পর্যন্ত অক্ষুণ্ণ ছিল—যথা, এই হিন্দু-সংস্কৃতির) বাস্তব জীবনযাত্রা ছিল পল্লী-সভ্যতার উপযোগী বাহুল্যহীন; সমাজ ছিল জাতি-ভেদে বিভক্ত, এবং আধ্যাত্মিক চিন্তায় শুধু পরজন্মে নয়, 'প্রাক্তন' বা কর্মকলেও বিশ্বাস ছিল হৃগভীর। এগুলোকে তাই বলতে পারি 'সর্ব-ভারতীয়' জিনিস। অবশু প্রাচ্য ভারতের এই পূর্ব-প্রান্তে সেই প্রাচীন হিন্দু-সংস্কৃতিও এখানকার নৈসর্গিক পরিবেশে ও এই বহুমিশ্রিত বাঙালী জাতির সামাজিক পরিবেশে কতকগুলি বৈশিষ্ট্য ও ঐশ্বর্যলাভ করেছিল, তা বলাই বাহুল্য। কিন্তু তবু স্মরণীয় এই যে, এই বৈশিষ্ট্যও ছিল গৌণ। ধারা সংস্কৃতিমান্ ও উচ্চকোটির চিন্তার পক্ষপাতী, বাঙলা দেশেও তাঁদের চেষ্টা ছিল এই হিন্দু-আর্য সংস্কৃতিকে বা ভারতের হিন্দু-সংস্কৃতির মূল ধারাকে যথাসম্ভব মাস্তুর করা। তাই এই সংস্কৃতি ছিল বাঙালী সাহিত্যিকের একটি উত্তরাধিকার। রামায়ণ, মহাভারত, ভাগবত ও অগ্ন্যন্ত পুরাণ থেকে তা বাঙলাকে একদিকে যুগিয়েছে বিষয়বস্তু (যাকে শ্রীযুক্ত সুনীতিকুমার চট্টোপাধ্যায় বলেন Matter of Sanskrit) এবং অন্যদিকে অনেকাংশে দান করেছে বাঙালীর কাব্যাদর্শ। প্রাচীন বাঙালী সাহিত্যিকের সাহিত্যিক ঐতিহ্যও ছিল সর্বভারতীয় কাব্য, অলঙ্কার, দর্শন ও ধর্মের।

কিন্তু যারা বাঙলার প্রাকৃত জন তারা জাতি হিসাবে মূলত সেই হিন্দু-আর্য গোষ্ঠীর নয়। অবশু হিন্দু-আর্য ভাষা তারা গ্রহণ করে, কিন্তু সেই সংস্কৃতির উচ্চকোটির চিন্তায় বা আচার-নিয়মে তাদের অধিকারও ছিল না। বাহ্যত অবশু সেই হিন্দু-আর্য সংস্কৃতিকে তারাও গ্রহণ করেছিল; কিন্তু বাঙলার এই জন-শ্রেণী জীবন-যাত্রায়, আচারে-নিয়মে, ভাবনায়-কল্পনায় নিজেদের প্রাচীনতর ও নিজস্ব বৈশিষ্ট্যও যথেষ্টই বহন করে চলেছিল। এমন কি, পরবর্তী কালের লোক-সংস্কৃতির মধ্যেও সে-সব জীবিত ছিল—যেমন, রূপকথায়, ব্রতকথায়, ছড়ায়, প্রবাদ-বচনে। এই লোকিক ধারা, এটি বাঙালীর দ্বিতীয় উত্তরাধিকার। বাঙালী সাহিত্যিকের পক্ষেও কালক্রমে এই লোকিক উত্তরাধিকার—কাহিনী ও চিন্তাধারা—লাভ করবার কথা। তা তাঁরা করেও ছিলেন—এইটাই অনু-আর্য বাঙালীর নিজস্ব বস্তু, বাঙলার খাটি জিনিস (যাকে বলা হয় Matter of Bengal)। মঙ্গল-কাব্যগুলির উপাখ্যানে, রাধাকৃষ্ণ কাহিনীর নানা অংশে তা স্পষ্ট। কিন্তু সেই প্রাচীন বাঙলা সাহিত্যের যুগে এই লোকিক উত্তরাধিকার সাহিত্যে সমুদ্রীত হয় নি—লোক-গীতি,

যখন নেওয়া হচ্ছিল, বিবিধ অঞ্চলে লোকের মুখে ভাষা তখন আরও পরিবর্তিত হয়ে গিয়েছিল। সাহিত্যের প্রাকৃতগুলি তাই লোক-মুখের প্রাকৃতের ঘণামাত্রা রূপ; আর তাও আবার অনেকটা ধরাবাঁধা কৃত্রিম রূপ। এদিকে খ্রী: ৬০০ থেকে খ্রী: ১,০০০-এর মধ্যে লোকের মুখের ভাষা এভাবে পরিবর্তিত হতে হতে প্রাকৃতের যে-রূপ দাঁড়ায় তাকে আর তখনকার মাহুষেরা প্রাকৃত বলত না; বলত 'অপভ্রংশ', চলতি কথায় 'অবহট্ট' ('অপভ্রষ্ট')। এই অপভ্রংশ রূপই আবার ভেঙে-চুরে খ্রী: ১,০০০-এর দিকে নানা অঞ্চলে ভারতীয় নানা আধুনিক ভাষা রূপে জন্ম নিতে থাকে—যেমন, বাংলা, মৈথিলী, ভোজপুরিয়া, অবধী (অযোধ্যার), ব্রজভাষা ইত্যাদি। কিন্তু একটা কথা জানা দরকার—আমরা 'শৌরসেনী অপভ্রংশে'রই লিখিত নিদর্শন পাই; অগ্ন্যন্ত প্রাকৃতের 'অপভ্রংশ দশা'র প্রমাণ পাই না। এইজন্যই 'অবহট্ট' বলতেই বোঝায় 'শৌরসেনী অপভ্রংশ', অন্য অপভ্রংশগুলি ছিল অবজ্ঞেয়। আর পূর্বেই বলেছি রাজপুত রাজাদের প্রভাবে শৌরসেনী অবহট্ট খ্রী: ৮ম শতকের পর থেকে উত্তর-ভারতের প্রায় রাষ্ট্রভাষা হয়ে ওঠে। এই শৌরসেনী অবহট্টেরই বংশধর ব্রজভাষা, খাড়িবোলী; আর এ ভাষাই মুসলমানী প্রভাবে পরিণত হয় হিন্দো-স্তানীতে। আধুনিক 'হিন্দী' এই হিন্দোস্তানীরই উপর গঠিত সংস্কৃতশব্দবহুল লিখিত ভাষা। উর্দু সেই হিন্দোস্তানীরই উপর গঠিত পারসীশব্দবহুল লিখিত ভাষা; তাই হিন্দী ও উর্দু কুলীন ভাষা। কিন্তু কথা এই—৮ম থেকে ১০ম শতকে উচ্চবর্গের মাহুষ সংস্কৃত ছাড়া অন্য কোনও ভাষায় সাহিত্য রচনা করতে হলে তা রচনা করত 'অবহট্ট'তে। বাঙালী কবিও তাই তখন সংস্কৃতে আর অবহট্টতে কাব্য রচনা করতেন স্বচ্ছন্দে;—কারণ, বাংলার বিদ্বজ্জনেরা এ-সব রচনারই সমাদর করতেন, বাংলা রচনার নয়।

প্রাচীন বাংলা সাহিত্যের পরিবেশ

সাংস্কৃতিক উত্তরাধিকার

বাঙালী যখন বাংলা ভাষায় সাহিত্য রচনা করতে আরম্ভ করে তখন সে হাজার দেড়েক বৎসরের (খ্রী: পূ: ৫০০ থেকে খ্রী: ১,০০০ অব্দের মধ্যে) ভারতের হিন্দু-আর্য সংস্কৃতির ও হিন্দু-আর্য ভাষার উত্তরাধিকারী। অবশ্য ততদিনে ভারতের আর্য-সংস্কৃতি বা বৈদিক সংস্কৃতি কতকটা কালক্রমে সামাজিক নিয়মে, আর অনেকটা এই দেশের প্রাচীনতর নানা অধিবাসীদের জীবনযাত্রা ও ধ্যানধারণার সঙ্গে সংমিশ্রণের ফলে, এক নিজস্ব ভারতীয় সংস্কৃতিতে রূপান্তরিত হয়েছে। সাধারণভাবে ভারতের

বাঙলা সাহিত্যের রূপ-রেখা

মাগধীর বংশধর বাঙলা ভাষা একটা নিজস্ব বৈশিষ্ট্য অর্জন করেছে। কিন্তু তখনো বাঙলা দেশের উচ্চবর্গের মানুষেরা কাব্যচর্চা করতেন সংস্কৃতে, না হয় অবহট্টগুণে (শৌরসেনী অপভ্রংশের চলিত নাম)। তার কারণ বোঝাও প্রয়োজন।

সংস্কৃত কোনো কালে কথ্যভাষা ছিল কি না সন্দেহ। কিন্তু সংস্কৃত মধ্যযুগেও অনেক দিন পর্যন্ত ছিল ভারতের উচ্চ-কোটির সংস্কৃতির বাহন। এখনো সে-সম্মান সে সম্পূর্ণ হারায় নি। প্রাচীন ভারতে বৈদিক যুগের পরে লোকে মুখে যে হিন্দ-আৰ্য ভাষা বলত তার নাম ছিল 'প্রাকৃত', অর্থাৎ প্রাকৃত জনের ভাষা। কিন্তু কথিত ভাষা দ্রুত পরিবর্তিত হয়—কালভেদেও হয়, দেশভেদেও হয়। বিশেষত, আৰ্য-ভাষীরা যতই অগ্ৰভাষীদের দেশে বিস্তার লাভ করতে থাকে, ততই সেই সব দেশের লোকের ভাষার প্রভাবও আৰ্য-ভাষীদের নিজেদের কথাবার্তায় আৰ্য-ভাষার উপর অস্বাভাবিক পড়তে থাকে। প্রাকৃতিরও তাই প্রথম যুগেই (খ্রীঃ পূঃ ১,০০০ থেকে খ্রীঃ পূঃ ৫০০র মধ্যে) দুই রূপ দেখা দেয়—'প্রাচ্য' ও 'উদীয়'। এর পরে সেই 'প্রাচ্য' প্রাকৃতিরও দুটি শাখা জন্মায়—একটি 'মাগধী', বিশেষ করে মগধ তার জন্মক্ষেত্র; আর একটি 'অর্ধ-মাগধী'—কোশল ছিল তার কেন্দ্র। অগ্ৰদিকে পশ্চিমের 'মধ্যদেশে' (গঙ্গা-যমুনার অন্তর্বেদীতে ও শূরসেনদের রাজ্যে) উদ্ভূত হয় 'শৌরসেনী প্রাকৃত'। ষোড়শ যুগে, মগধের মতোই মাগধী প্রাকৃতিরও মর্যাদা ছিল। কিন্তু তার পর থেকে উত্তর ভারতের প্রাণকেন্দ্র হয়ে দাঁড়ায় সেই অন্তর্বেদী শৌরসেনী অঞ্চল। তখন থেকে শৌরসেনী প্রাকৃতই উত্তর ভারতে প্রাধান্য অর্জন করে, মাগধী প্রাকৃত তুচ্ছ বলে গণ্য হয়। খ্রীষ্টীয় ৫ম শতকে বরকৃষ্ণ তাঁর 'প্রাকৃত-প্রকাশ' ব্যাকরণে কাব্য-সাহিত্য প্রাকৃতির প্রয়োগ সম্পর্কে কতকগুলি ধরাবাঁধা নিয়মের উল্লেখ করেছেন। অবশ্য তারও আগে ভারতের নাট্যশাস্ত্রে নাটকের বিভিন্ন পাত্রপাত্রীর মুখে প্রাকৃতির বিভিন্ন রূপের প্রয়োগের নিদর্শন পাওয়া যায়। যেমন, আমরা দেখি—সংস্কৃত নাটকে সংস্কৃত ভাষা বলে বীর নায়কেরা; 'শৌরসেনী প্রাকৃতে' কথা বলে রানী, রাজসখী প্রভৃতি অভিজাত মহিলারা; তারা গান গায় আবার 'মহারাষ্ট্রী প্রাকৃতে' (তা মূললিত ছিল বলে কি?) ; আর শকুন্তলার ধীবরদের মতো (সাধারণ শ্রমজীবী) মানুষেরা কথা বলে 'মাগধী প্রাকৃতে'; দস্য ও ঘাতকেরা বলত 'পৈশাচী প্রাকৃত'—সম্ভবত তা ছিল কাশ্মীর ও উত্তর-পশ্চিম সীমান্তের প্রাচীন কথ্য ভাষা। এই সাহিত্যিক প্রাকৃত প্রাকৃত-জনের ভাষা, শৌরসেনী প্রাকৃতির মর্যাদা অতুলনীয়। কিন্তু এ দুকন্মের পাকা-পোক্ত ব্যবস্থা থেকেই বোঝা যায়—সাহিত্যে এই সব রীতি ও ব্যবস্থা

অন্ধের মধ্যেই তারা সম্ভবত প্রথমে এসেছিল বিদেহে, মগধে ; পরে আসে অঙ্গে, আর তারও পরে বঙ্গে, কলিঙ্গে । যারা এসব দেশে প্রথম আসত, বসবাস করত এখানকার স্থানীয় 'অন্-আর্ধ' অধিবাসীদের সঙ্গে, স্বভাবতই তারা আর্ধ-সংস্কৃতির আচার-বিচার বিস্তার রাখতে পারত না । তাই উত্তর-ভারতে বা আর্ধাবর্তে ফিরে গেলে তাদের জন্ম প্রায়শ্চিত্তের ব্যবস্থা হত । এ থেকে বুঝতে পারি, কেন বৈদিক যুগে 'প্রাচ্য'দেরও অসম্মানের চোখেই দেখা হত, আর বঙ্গ জাতিকে বলা হয়েছে 'ব্যাংসি', কি না পক্ষিজাতীয় ।

খ্রীঃ পূর্ব ৫০০ অব্দের পূর্বেই কিন্তু আর্ধ-ভাষীদের মধ্যে মগধ রাজ্য প্রাধান্য অর্জন করতে থাকে । তারপরে মৌর্য সাম্রাজ্যের কেন্দ্র হল মগধ । এই মৌর্য যুগ (খ্রীঃ পূঃ ৩১২ শতক) থেকেই বাঙলা দেশে আর্ধ-ভাষীদের উপনিবেশ স্থাপিত হতে থাকে । অবশ্য বাঙলা দেশে অশোকের কোনো অহুশাসন আবিষ্কৃত হয় নি । কিন্তু বগুড়ার মহাস্থান-গড়ের 'সংবঙ্গীয়'দের প্রতি নির্দেশটি রচিত হয়েছে আর্ধভাষার 'পূর্বা প্রাকৃত' এবং উৎকীর্ণ হয়েছে মৌর্যযুগের ব্রাহ্মী লিপিতে । তা থেকে বোঝা যায়, আর্ধ-ভাষীরা মৌর্যযুগে উত্তর-বঙ্গে এসেছে । নিম্নবঙ্গেও তমলুক, বেড়াচাঁপা প্রভৃতি স্থানে স্বপ্ন, কুশান প্রভৃতি যুগের নানা নিদর্শন আবিষ্কৃত হয়েছে । গুপ্তযুগে (খ্রীষ্টীয় ৪র্থ শতক থেকে ৭ম শতকে) দেখি এই আর্ধ-ভাষীদের বসতি পশ্চিম বাঙলার সর্বত্র প্রসারিত হয়েছে । বাঁকুড়ার পোখরুণায় (পুষ্করণ) চন্দ্রবর্মার পুরালিপিটি সংস্কৃত ভাষায় লিখিত ; তার অক্ষর গুপ্তযুগের প্রথম দিককার ব্রাহ্মী লিপির নিদর্শন । সংস্কৃত তখন দেশের রাজভাষা ; কিন্তু রাজপুরুষেরা মুখে পূর্বা প্রাকৃতেরই কোনো রূপ বলতেন । বাঙলার ভূমিজ অন্ত্যজেরাও খ্রীষ্টীয় ৮ম শতকের কাছাকাছি এই হিন্দু-আর্ধ গোষ্ঠীর কথিত ভাষা হিসাবে এই প্রাচ্য প্রাকৃতকে গ্রহণ করতে আরম্ভ করেছিল, তা অসম্মান করা যায় । তারপর গৌড় সাম্রাজ্যের পতন হল পাল রাজত্বে (খ্রীঃ ৭৪০ থেকে খ্রীঃ ১,১০০) ; আর গৌড়ভূমি (উত্তর-বঙ্গ) তখন আর্ধ-সংস্কৃতির এক প্রধান ক্ষেত্র হয়ে ওঠে । কি 'গৌড়ী রীতি'তে সংস্কৃত রচনায়, কি ভাস্কর্যকলায়, কি বিদ্যাচর্চায়—গৌড় তখন উত্তর ভারতে অগ্রগণ্য । শৌরসেনী প্রাকৃত থেকে 'শৌরসেনী অপভ্রংশ' আগেই জন্মগ্রহণ করেছিল । এই যুগে হিন্দু-আর্ধ ভাষার প্রাচ্য প্রাকৃতের শাখাগুলির মধ্যেও নূতন বৈশিষ্ট্য ক্রমশ পরিষ্কৃত হয়ে উঠতে থাকে । যেমন, 'মাগধী প্রাকৃত'র মধ্যে পশ্চিম মাগধী ('ভোজপুরিয়া' যার বংশধর), মধ্য মাগধী (মগধী, মৈথিলী প্রভৃতিতে যার পরিণতি) ও পূর্ব মাগধী (বাঙলা, ওড়িয়া, অসমিয়া যার সন্তান), এরূপ প্রকার-ভেদ তখন লক্ষ্য করা যেত । এর কিছু পরেই দেখা গেল পূর্ব

বাঙলা সাহিত্যের রূপ-রেখা

এখনো বোঝায় মধ্য-পশ্চিম বঙ্গ, 'হুঙ্গ' বোঝাত দক্ষিণ-পশ্চিম বঙ্গ; 'পুণ্ড্র বর্ধনভুক্তি' বোঝাত মোটের উপর উত্তর-বঙ্গকে। অবশ্য, এছাড়াও এক একটা অঞ্চলের অল্প নাম ছিল। যেমন, উত্তর-বঙ্গকে পূর্বেও বলত, এখনো বলে, 'বরেন্দ্র'; 'বরেন্দ্রী'; 'বঙ্গ' বলতে বিশেষ করে বোঝায় পূর্ব-বঙ্গ (বাংলাদেশ)। আবার 'সমতট', 'হরিকেল' প্রভৃতি ছিল সেই পূর্ব-বঙ্গেরই দক্ষিণাঞ্চলের এক একটা ভাগের নাম। এসব নামের মধ্যে 'গোড়' ও 'বঙ্গ' এই শব্দ দুটি সুপ্রাচীন, পাণিনিতেও তার উল্লেখ আছে। 'বঙ্গ মগধের' উল্লেখ আছে ঐতরেয় আরণ্যকেও। কিন্তু সমস্ত বাঙলা দেশের সাধারণ নাম 'বাঙলা' মুসলমান তুর্ক বিজেতারাই দেন। তার পূর্বে 'গোড়' বলতে প্রধানত বোঝাত বরেন্দ্রভূমি; তারপর বাঙলার অনেকটা অংশ। পরে পাল রাজাদের গোড় সাম্রাজ্য যতই বিস্তার লাভ করতে থাকে ততই 'পঞ্চগোড়' 'সপ্তগোড়' বলে উত্তর ভারতের অনেক দূর পর্যন্ত গোড়ের অন্তর্ভুক্ত করবার চেষ্টা হয়।

কিন্তু এসব অঞ্চলের মানুষের সাধারণ ভাষা বাঙলা নয়; তাই এসব অঞ্চলকে বাঙলা বলা কখনো সম্ভব নয়। অর্থাৎ বাঙলা ধীর আশৈশব নিজস্ব ভাষা তিনিই বাঙালী; আর যেখানকার সাধারণ মানুষ, বিশেষ করে কৃষক-শ্রেণী, সাধারণ ভাবে বাঙলা কথা বলেন সে-দেশই বাঙলা দেশ—রাষ্ট্র হিসাবে সে-স্থান ভারত বা পাকিস্তান, কিংবা বিহার 'রাজ্য', আসাম 'রাজ্য' বা অন্য যে-কোনো 'রাজ্যের' অন্তর্ভুক্তই হোক তাতে যায় আসে না। তাই জাতি ও দেশের প্রধান এক পরিচয়—ভাষা; কারণ ভাষা একটা মৌলিক সামাজিক বন্ধন, সংস্কৃতির এক প্রধানতম বাহন, জাতির মানসিক রূপেরও পরিচায়ক।

বাঙলা ভাষা

বাঙলা ভাষা কিন্তু অষ্ট্রিক গোষ্ঠীর ভাষাও নয়, ড্রাবিড় গোষ্ঠীর ভাষাও নয়; আর ভোট-চীনা গোষ্ঠীর ভাষার চিহ্ন তো এ ভাষায় প্রায় নেই-ই বলা চলে। বাঙলা ভাষা ভারতীয় 'হিন্দ-আর্য' গোষ্ঠীর ভাষারই বংশধর। তার কারণ, বাঙলার প্রাচীনতম অধিবাসী অষ্ট্রিক-ড্রাবিড়-ভোটচীনা প্রভৃতি জাতি-উপজাতিদের হাটিয়ে দিয়ে বাঙলার মাটিতে উপনিবেশ স্থাপন করে ক্রমে ক্রমে আধিপত্য বিস্তার করে উত্তর ভারতের আর্য-ভাষী হিন্দ-আর্য সভ্যতার ধারক নানা জাতির লোকেরা। তারা সকলে রক্ত হিসাবে বা জাতি হিসাবে 'আর্য' ছিল না। 'আর্য' কথাটাই সম্ভবত মূলত একটা সাংস্কৃতিক নাম। যারা পশ্চিম থেকে বাঙলা দেশে আসত তারা এই ভাষায় ও সংস্কৃতিতেই ছিল এক গোষ্ঠীয়। খ্রীষ্টপূর্ব ১,০০০ থেকে খ্রী: ৫০০

বাঙলা ভাষা কিন্তু কুলীন নয়। 'হিন্দু-আর্য ভাষা'র প্রাচ্য শাখা আদৌ কুলীন বলে গণ্য হত না ; তার কারণ, বাঙালী জাতটাও আসলে বড় বেশী কুলীন জাত নয়।

বাঙলা দেশ ও বাঙালী জাতি

কারা বাঙলা দেশের প্রাচীনতম অধিবাসী, আর বাঙালীর রক্তে কোন রক্ত কতটা আছে, এ-বিচার নৃ-বিজ্ঞানের। তবে এ কথা মনে রাখতে হবে—যাঁরা বাঙলা দেশের আদিবাসী তাঁরা এই বাঙলা ভাষা বলতেন না, মূলত তাঁরা 'হিন্দু-আর্য'-ভাষী ছিলেন না। নৃ-বিজ্ঞানের মতে বাঙলার প্রাচীনতম অধিবাসীরা সম্ভবত ছিলেন অষ্ট্রিক গোষ্ঠীর অস্ট্রো-এশিয়াটিক জাতির মানুষ ; তাঁরা ব্রহ্মদেশ ও শ্রামদেশের মোন্ এবং কষোজের (উত্তর ইন্দো-চীনের) স্কের শাখার মানুষদের আত্মীয়। এ জাতীয় মানুষকেই বোধহয় বলা হত 'নিষাদ', কিম্বা 'নাগ' ; আর পরবর্তী কালে 'কোল্ল', 'ভিল্ল', ইত্যাদি। তা হলে অনুমান করা যেতে পারে, তাঁদের ভাষাও ছিল অষ্ট্রিক গোষ্ঠীর মোন্-স্কের-শাখার ভাষার মতোই। অনেকটা এরূপ ভাষাই এখনো বলেন বাঙলা দেশের পশ্চিমে কোল, মুণ্ডা, সাঁওতাল প্রভৃতি আদিবাসীরা, আর পূর্ব বাঙলার (এখন আসাম রাজ্যের) খাশিয়া পাহাড়ের খাশিয়ারা। অষ্ট্রিক গোষ্ঠী ছাড়াও বাঙলা দেশে বাস করতেন দ্রাবিড় গোষ্ঠীর বিভিন্ন শাখার লোকেরা। তাঁরা ছিলেন সূক্ষ্ম জাতের মানুষ। তাঁদের প্রধান বাসভূমি এখন দাক্ষিণাত্য ; তাঁদের প্রধান ভাষা এখন তামিল, তেলুগু, মালয়ালাম ও কন্নড়ী। কিন্তু এক সময়ে তাঁরা সম্ভবত পশ্চিম বাঙলায় ও মধ্য বাঙলায়ও ছড়িয়ে পড়েছিলেন। এখনো ছোটনাগপুরের (বিহার রাজ্যে) ওরাও প্রভৃতি জাতেরা দ্রাবিড় গোষ্ঠীরই একটা ভাঙ্গা ভাষা বলেন। অস্ট্রো-এশিয়াটিক ও দ্রাবিড় ভাষীরা ছাড়াও পূর্ব ও উত্তর বাঙলায় বহু পূর্বকাল থেকে নানা সময়ে এসেছিলেন মঙ্গোলীয় বা ভোট-চীনা গোষ্ঠীর নানা জাতি-উপজাতি—যেমন গারো, বডো, কোচ, মেছ, কাছারি, টিপ্‌রাই, চাকমা প্রভৃতি। সম্ভবত এঁদেরই বলা হত 'কিরাত' জাতি। এঁরা ভোট-চীনা গোষ্ঠীর নানা ভাষা-উপভাষা বলতেন।

অতএব, শুধু নানা ভাষাই যে এই বাঙলা দেশে প্রাচীনতম কালে চনত তা নয়, দেশটাও ছিল নানা জাতি-উপজাতির বাসভূমি ;—'বাঙালী' বলে একটা গোটা জাতও তাই তখনও পৰ্ব্বস্ত জন্মায় নি। 'রাঢ়', 'সুস্ম', 'পুণ্ডু', 'বঙ্গ' প্রভৃতি প্রাচীন শব্দগুলি প্রথম দিকে বোঝাত বিশেষ বিশেষ জাতি বা উপজাতিকে ; তারপরে তাদের বাসস্থল হিসাবে এক একটা বিশেষ বিশেষ অঞ্চলকে। যেমন, 'রাঢ়' বলতে

৪
প্রবাদ, প্রবচন প্রভৃতি। এসবের মূল বিষয়বস্তু হয়তো খুবই প্রাচীন। কিন্তু এসব
বাঙলার লোক-সাহিত্যের অন্তর্ভুক্ত। কোনো কোনো জিনিস সাহিত্য-গুণযুক্ত ;
কোনো কোনো জিনিস তা নয়। এসব জিনিস আগে কোনোদিন লিখিত রূপ পায়
নি। তাই লোকের মুখে মুখে ভাবায়, এবং কতকটা ভাবেও, তার এত অদল-বদল
হয়েছে যে, তার বর্তমানকালীন রূপকে আর প্রাচীন সাহিত্যের নমুনা বলে গ্রহণ করা
সম্ভব নয়।

পিশেল সাহেবের মতো কোনো কোনো পণ্ডিত বলেছেন যে, জয়দেবের 'গীত-
গোবিন্দ' প্রথমত মাত্রাবৃত্ত ছন্দে অপভ্রংশে বা বাঙলায় রচিত হয়ে থাকবে ; পরে
কবি তা সংস্কৃত্যে ঢালাই করেছেন। কিন্তু একথা অধিকাংশ পণ্ডিতই গ্রহণ করেন
নি। বরং ভারতীয় সাহিত্যের ইতিহাস দ্বারা আলোচনা করেছেন তাঁরাই জানেন
যে, মুখের ভাষা দেশে দেশে কালে কালে যতই পরিবর্তিত হোক খ্রীষ্টীয় অব্দের প্রথম
দিক থেকেই সংস্কৃত প্রায় বরাবরই ছিল সমস্ত ভারতবর্ষের সাংস্কৃতিক জীবনের ভাষা।
'পালি' বৌদ্ধদের কাছে ও 'অর্ধমাগধী' জৈনদের কাছে কিছুকাল তাদের নিজ নিজ
ধর্মগত আলোচনা ও সংস্কৃতির বাহন ছিল। পরে, খ্রীষ্টীয় প্রায় ৮০০ থেকে ১,০০০
শতকের মধ্যে 'শৌরসেনী' প্রাকৃতের সম্ভান শৌরসেনী অপভ্রংশ বা 'অবহট্টঠে'ও
রাজপুত্র রাজাদের প্রভাবের সঙ্গে সঙ্গে তৎকালীন উত্তর-ভারতের প্রায় রাষ্ট্রভাষা
হয়ে উঠেছিল। সেই প্রাচীন বাঙলার যুগে বাঙালী পণ্ডিতেরাও তাই বাঙলার
কবিতা লিখুন আর না লিখুন, পারলে কাব্যচর্চা করতেন সংস্কৃত্যে। 'অবহট্টঠে' কবিতা
রচনায়ও তাঁদের উৎসাহ ছিল, তা দেখতে পাই। কারণ, বাঙলার উচ্চবর্গের সুধী-
লজ্জনের চক্ষে তখন পর্যন্ত বাঙলা ভাষা ছিল শৌরসেনী-অপভ্রংশেরও তুলনায় শাদা-
বেটে গ্রাম্য জিনিস।

যাই হোক, মোটামুটি ধরা যায় যে প্রায় হাজার খানেক বৎসর আগেই বাঙলা
ভাষা জন্মগ্রহণ করে। ভারতের অস্ফাঙ্ক প্রধান প্রধান আধুনিক ভাষাগুলিও খ্রীষ্টীয়
১০ম থেকে ১২শ শতকের মধ্যেই উদ্ভূত হয়। অবশ্য সে-সব কোনো কোনো ভাষার
নিদর্শন যেনে একটু আগে, কোনো ভাষার বা একটু পরে ! তা ছাড়া সব ভাষাতেই
যে তখন-তখন সাহিত্য সৃষ্টি হয়েছিল, তা-ও নয়। তবে ভারতের 'হিন্দ-আর্ষ ভাষা'
(পাশ্চাত্য পণ্ডিতেরা ভারতের যে-ভাষার নামকরণ করেছেন 'ইন্দো-এরিয়ান' বলে,
আমরা তাকে এ নামে অভিহিত করতে চাই) তখন 'প্রাচীন স্তর' ও 'মধ্য স্তর'
উত্তীর্ণ হয়ে উত্তর ভারতে 'আধুনিক স্তরে' এসে পৌঁছয়। এই হিন্দ-আর্ষ ভাষারই
প্রাচ্য শাখার এক প্রধান প্রতিনিধি বাঙলা (বা 'বঙ্গ ভাষা')। ভাষা হিসাবে

বাঙলা ভাষা ও বাঙালীর সাহিত্য

প্রাচীনতম নিদর্শন

‘হাজার বছরের পুরাণ বাঙলা ভাষায় বোর্কগান ও দোহা’—এই নামে ‘চর্যাচর্য বিনিশ্চয়’, সেই সঙ্গে সরোজ বজ্রের (সরহপাদের) ‘দোহাকোষ’ ও কাঙ্কপাদের ‘ভাকার্ণব’ এই তিনখানা পুঁথি একত্র সম্পাদিত করে স্বর্গীয় মহামহোপাধ্যায় হর-প্রসাদ শাস্ত্রী ‘বঙ্গীয় সাহিত্য পরিষদে’র পক্ষ থেকে বাঙলা ১৩২৩ সালে (ইংরাজী ১৯১৬ খ্রীষ্টাব্দে) একখানা কবিতা-সংগ্রহ প্রকাশ করেন। এর মধ্যকার ‘চর্যাচর্য বিনিশ্চয়’ই একমাত্র খাঁটি বাঙলায় লেখা ‘পদ’ বা গান বলে গ্রাহ্য হয়েছে। সাধারণত ‘চর্যাপদ’ বসেই বাঙলা সাহিত্যে এর পরিচয়,—যদিও আসল নাম কারও কারও মতে ‘চর্যাচর্য বিনিশ্চয়’, ‘চর্যাশ্চর্য বিনিশ্চয়’, ইত্যাদি। অর্থাৎ নামের সম্বন্ধে বিনিশ্চিত হবার উপায় এখন আর নেই; তবে ‘চর্যাপদ’ নামটিই আধুনিক বাঙলা সাহিত্যে প্রচলিত। এখনও পর্যন্ত এই চর্যাপদই বাঙলা সাহিত্যের আদিগ্রন্থ, আর তার অন্তর্ভুক্ত পদগুলিই প্রাচীনতম বাঙলা সাহিত্যের নিদর্শন। এই পদগুলোর বয়স প্রায় এক হাজার বৎসর বা তার কাছাকাছি।

অবশ্য চর্যাপদের এই পদগুলি ছাড়াও প্রাচীন বাঙলা ভাষার আরও কিছু কিছু নিদর্শন পাওয়া যায়; কিন্তু তা ভাষারই নমুনা, সাহিত্য নামের যোগ্য নয়। এ সবার মধ্যে গণনা করা হয়—পুরালিপি বা পুঁথিপত্রে প্রাপ্ত প্রাচীন বাঙলার পল্লী ও স্থানের কিছু কিছু নাম; অমরকোষের ভাষ্য সর্বানন্দের ‘টীকাসর্বস্ব’তে (১১৫৯ খ্রীষ্টাব্দের শেষদিকে এ টীকা সংকলিত হয়) উল্লিখিত প্রায় ৩০০ বাঙলা শব্দ; ‘প্রাকৃত পৈঙ্গলে’র (১৪শ শতাব্দীর শেষদিককার প্রাকৃত পদসংগ্রহ) এখানে-ওখানে প্রাপ্ত কয়েকটি বাঙলা পদ ও শ্লোক এবং দু’একটি বাঙলা বাক্যাংশ;—মহারাষ্ট্রের এক চালুক্য রাজার নির্দেশে (খ্রীঃ ১১২২-৩০) সংকলিত ‘অভিলাষ চিন্তামণি’ নামে বিশ্বকোষ-জাতীয় গ্রন্থের দশাবতার স্তোত্রের অন্তর্ভুক্ত দুটি বাঙলা শ্লোকের টুকরো। বাংলা ভাষাতত্ত্বের দিক থেকে এসব হয়তো মূল্যবান, কিন্তু বাঙলা সাহিত্যের পক্ষে এদের কোনো মূল্য নেই।

বাঙালী জীবন ও বাঙলা সাহিত্যের বিষয়বস্তু হিসাবে এ সবার চেয়ে বরং মূল্যবান—বাঙলার খনার বচন, ডাকের বচন, রূপকথা, উপাখ্যান, ব্রতকথা, ছড়া,